

## Evening Dogri News Bulletin, 22 May. 2026

इवनिंग डोगरी न्यूज़ बुलेटिन

समे .18:15 Hrs

<><><><><><>

### Headlines

1. उपमुख्यमंत्री सुरिंद्र चौधरी होरें गैर मुमकिन खड्डें उप्पर समेबद् रिपोर्ट मंगी ऐ। उप समिति नै सार्वजनिक मुद्दे दी समीक्षा कीती ते लोकें थमां इस सरबन्धे च सुझा मंगे।
2. स्मार्ट सिटी मिशन दे तैहत जम्मू च तौले गै वेस्ट टू वंडर नांऽ दा इक्क पार्क बनियै तैयार होने आहला ऐ।
3. सुरक्षा सरबन्धी गंभीर चैताएं करी उधमपुर दे सालमे पुल भारी गड्डियें दी आओजाई उप्पर रोक लाई गई।
4. बौलियें दी धरती आखे जाने आहले उधमपुर जिले च अज्ज बी केई प्राचीन जल स्रोत, मकामी लोकें दी सेवा करा'रदे ना।
5. मौसम विभाग नै आखेआ जे ऐगती कश्मीर घाटी च सामान्य कोला 34 फीसद घट्ट बरखा जिसले के जम्मू च 20 फीसद घट्ट बरखा दर्ज कीती गई ऐ।

<><><><><><>

### Dy CM-Gair Mumkin Khads

उपमुख्यमंत्री सुरिंद्र चौधरी होरें अज्ज जम्मू-कश्मीर च गैर मुमकिन खड्डें सरबन्धी मसलें दा निरीक्षण करने आस्तै बैठक रक्खी। बैठक दी शुरुआत च उनें एहदे नै सरबन्धी समिति दी रिपोर्ट गी खीरी रूप देने शा पैहले लोकें दे सुझाऽ लैने दी जरूरतै पर लोहू पाई। उनें एहदे लेई सिविल सचिवालय थमां चुने गेदे नोडल अधिकारी गी लोकें लेई अपने सुझाऽ देना सखल्ला बनाने लेई निर्देशित बी कीता। उनें आखेआ जे गैर मुमकिन खड्डे दी रिपोर्ट समें पर जमा होनी लोडचदी तां जे लोकें दे मसलें गी निष्पक्ष ते उचित ढंग्गै कन्नै नबेडेआ जाई सकै।



## Wonder Park

जम्मू दे भगवती नगर च स्मार्ट सिटी मिशन दे तैहत इक्क वेस्ट टू वंडर पार्क नां दे इक्क अनौखी पार्क गी विकसित कीता जा'रदा ऐ ते एहदा उद्घाटन यात्रा दरान कीता जाहगा। इस पार्क च दुनिया दे 7एं अजूबें दी हुबहु शकलै दी प्रतिकृतियां बनाइयां जांगन ते एहदे च डायनासोर पार्क, म्यूजिकल फोआरे ते कन्नै लाइट ते साउंड शो बी होग। इस पार्क च जम्मू-कश्मीर दी सभ्यता ते विरासत दे कन्नोकन्नी मशहूर संरचना जियां ताज महल ते इंडिया गेट दे बी ढांचे दस्से जांगन जेड़ा लोके लेई आकर्षक बनडन। अधिकारियें दा आखना ऐ जे इस पार्क गी परतियै इस्तेमाल कीते दे समान जियां के शीश दी बोटलें दा इस्तेमाल करियै बनाया जा'रदा ऐ।



## Salmay-Heavy Veh Ban

जिला प्रशासन उधमपुर नै सुरक्षा सरबन्धी गंभीर चैताएं दा हवाला दिंदे होई सालमे पुल परां भारिएं गड्डियें जियां ट्रकें, टिप्परें ते डम्परें दे लंगघने पर सख्त बंदश लाई दिती ऐ। उधमपुर दे अतिरिक्त जिला मैजिस्ट्रेट डा. उमेश शान हुंदे आसेआ भारती नागरिक सुरक्षा संहिता दी दफा 163 तैहत जारी हुकमै मूजब एह बंदशां पी.डी.सी उधमपुर दे सिविल मेंटेनेंस डिविजन एग्जीक्यूटिव इंजीनियर हुंदियें रिपोर्टें दे मगरा नाफिज कीतिआं गेइयां न। हुकमै च आखेआ गेदा ऐ जे इस ढांचे गी असुरक्षित घोशित कीते जाने दे बावजूद बी भारी डम्पर ते ओवरलोड गड्डियां बे-रोक-टोक एहदे परां लंगघा करदियां हियां। उधमपुर दे अतिरिक्त जिला मैजिस्ट्रेट डा. उमेश शान हुंदा इस बारै आखना ऐ .....बाईट.....



## Drug Peddler property

प्रदेश च जारी नशामुक्त जम्मू-कश्मीर अभियान दे तैहत उधमपुर पुलिस नै चनैनी तहसील दे समरौली इलाके दे बसनीक बदनाम नशा तस्कर त्रिलोचन दत्त आसेआ कीते गेदे नजैज कब्जें दे खलाफ इक्क अभियान रम्भेआ। जांच दरान एह गल्ल सामने आई जे आरोपी नै सरकारी जमीन पर गैर कनूनी कब्जा करियै रक्खे दा हा ते उत्थे किश

हट्टियां-दकानां बी बनाई दियां हियां। कनूनी प्रक्रिया मूजब कार्रवाई करदे होई प्रशासन नै नशे दी काली कमाई कन्नै बनाए गेदे इनें गैर कनूनी ढांचें गी तबाह करी दित्ता।

<><><><><><>

## School-Magazine

सरकारी हायर सेकेंडरी स्कूल सरोर नै अज्ज अपनी पैहली-पैहली स्कूल पत्रिका blessings जारी कीती। इस पत्रिका दा विमोचन स्कूली शिक्षा विभाग दे कमीशनर सैक्रेटरी राम निवास शर्मा होरें कीता जेडे इस समारोह दे मुख परौहने हे जिसलै के स्कूली शिक्षा विभाग जम्मू दे डरैक्टर डा. नसीम जावेद चौधरी मानजोग परौहने हे। मुख शिक्षा अधिकारी जम्मू श्री अजीत कुमार शर्मा होरें चेचे परौहने दे तौर पर प्रोग्राम च शिरकत कीती। इस मौके पर रंगारंग सांस्कृतिक प्रोग्राम दे अलावा बूहटे-पौधे लाने आहली मुहिम, नशा-मुक्ति अभियान, महिला सशक्तिकरण ते ठोस रैंद-खैंद दे प्रबंधन पर आधारित प्रोग्राम करोआए गो। मौजूद शिक्षकें ते प्रिंसीपलें गी संबोधित करदे होई श्री राम निवास शर्मा होरें स्कूल आसेआ शुरू कीती गेदिएं पैहलकदमिं लेई प्रिंसीपल राबिया बातूल हुंदी बड़ी मती सराहना कीती।

<><><><><><>

## Udh. Bowlis

बौलिं दी धरती दे नांऽ कन्नै जाने, जाने आहले उधमपुर जिले च ठण्डे-मिट्टे पानी दियां केई सारी बौलियां न ते मकामी लोक अज्ज बी लगातार इन्दा पानी पीया करदे न। पानी सप्लाई आहले आधुनिक नेटवर्के दे विस्तार दे बावजूद एह ऐतिहासिक बौलियां अज्ज बी पीने ते रोजमर्रा दे इस्तेमाल आहले पानी दा महत्वपूर्ण जरिया बनी दियां न। एह बौलियां जिले दी विरासत ते परम्पराएं दा जींदा-जागदा प्रतीक बी ऐन। इनें बौलिं दी उचित ढंगे नै साम्भ-सम्भाल दी वकालत करदे होई किश मकामी लोकें आखेआ

<><><><><><>

## CS-Forest

मुख्य सचिव अटल डुल्लू होरें जम्मू-कश्मीर च कैम्पा दे तैहत रूख-बूहटे लाने ते पर्यावरण तंत्र दी सांभ सम्भाल सरबन्धी कममें च हासल प्रगति दा जायजा लैंदे होई खतरें च पेदे जंगली इलाकें दी हिफाजत पर चेचा जोर दित्ता ऐ। उनें जंगली इलाकें दे नक्शें गी पूरी चाल्ली डिजिटल बनाने दे निर्देश दित्ते तां जे जंगली इलाकें दी बेहतर ढंगै नै हदबंदी ते हिफाजत जकीनी बनाई जाई सकै। इस मौके पर उनें गी जानकारी दित्ती गेई जे बरे 2010-11 थमां तबाह होए दे 1 लख 6 ज्हार कमांह जंगली इलाकें च 7 करोड़ 47 लख रूख-बूहटे लाइयै उनें गी फ्ही हरा-भरा बनाया गेआ ऐ। बैठक दरान होरनें बी केई महत्वपूर्ण मामलें पर चर्चा कीती गेई जिंदे च मिट्टी ते पानी दी साम्भ सम्भाल सने जंगलें दी तारबंदी ते जैविक बन्न-सबन्नता दा संरक्षण मुख्य तौरा पर शामिल ऐ।

<><><><><><>

## **Met Srinagar**

मौसम विभाग दे श्रीनगर केन्द्र नै जम्मू-कश्मीर च पैहली मार्च थमा 21 मई 2026 तोड़ी जम्मू-कश्मीर च बरखा च कमी दी जानकारी सांझी कीती ऐ। घाटी च सामान्य थमां 34 फीसद घट्ट जिसले के जम्मू खिते च 20 फीसदी घट्ट बरखा बरी ऐ जेहदे करी पानी दी उपलब्धता ते राई-बाई पर असर बारे चेता जाताई जा'रदी ऐ। तोंआई मौसम विभाग नै जम्मू ते कश्मीर खिते दे हिस्सें च अज्जै लेई मौसम सरबन्धी सलाह जारी करदे होई गरज-चमक शमानी बिजली- ऐन-गडा पौने ते 40 शा 50 किलोमीटर फ्ही घैटे दी रफ्तार कन्नै ब्हा चलने दी भविक्खवाणी कीती ऐ।

<><><><><><>

## Sprinklers JMC

जम्मू च पिछले किश दिनें थमां बदे दे तापमान गी दिखदे होई नगर निगम नै गर्मी दी लहर कन्नै निब्वडने लेई उपा होर तेज करी दित्ते ना। गर्मी ते धूड प्रदूषण गी घट्टअ करने आस्तै शिडकें ते सार्वजनिक थाहरें पर नियमित रूप कन्नै पानी छिडकेआ जा'रदा ऐ। जेएमसी दे कमीशनर देवांश यादव होरें औंदी श्री अमरनाथ जी दी जात्तरा

गी छायादार ते ठंडी थाहर उपलब्ध करोआने लेई सौर उर्जा कन्नै चलने आहले नेट जीरो वेटिंग एरियाज़ कायम करने दी योजना दी घोशणा कीती।

<><><><><><>